

Ri Ruxe' ri Nimanic

richin Ri Ruk'ataj ri Jesucristo quichin ri Chojlaxela'
chupan ri Ruq'uisibel tak K'ij

- 1 Roj nikanimaj ri Dios, ri Jumul Tata'ixel, chuka' ri Jesucristo, ri Ruc'ajol, y chuka' ri Uxlabixel.
- 2 Nikanimaj chi ri vinaki' xtibequila' ri ruc'ayeval xa roma ri quimac y man roma ta ri rumac ri Adán.
- 3 Nikanimaj chi roma ri rutojbalil mac ri xuben ri Cristo, checonojel ri quija'tzul vinaki' yetiquir yecolotej roma ri nimey tzij chique ri rupixa' y ri rutakbal ri utzilej rutzijol.
- 4 Nikanimaj chi ri nabey tak rupalibel y ri rutakbal ri utzilej rutzijol e jare': nabey, ri Cukubabel C'u'x riq'uin ri Ajaf Jesucristo; ruca'n, ri Tzolibel C'u'x chupan ri mac; rox, ri Kasanic Chuxe' Ya' chiquicuyuxic ri mac; rucaj, Ruya'ic K'abaj pa ruvi' jolomaj richin nik'axex ri rusipanic ri Uxlabixel.
- 5 Nikanimaj chi ri vinaki' c'o chi ye'oyox pe roma ri Dios riq'uin ri lok'olej rutzijol y riq'uin ri ruya'ic k'abaj pa ruvi' jolomaj ri niban coma ri e uc'uayon ri k'atbel tzij richin niqutzijoj ri utzilej rutzijol y niquisamajij ri rutakbal.
- 6 Nikanimaj ronojel ri ruchojmilal ri xbanatej chupan ri Nabey K'ataj. Ri' e jare': ri apostoli', ri profeta'i', ri yuk'unela', ri Tijonela', ri Nima'k tak Tata'al, y ch'aka' chic.
- 7 Nikanimaj chi ri Ajaf nuya' ri sipanic richin ch'abel, richin ri lok'olej rutzijol, richin ri k'alajirisanic, richin ri tz'etonic, richin ri c'achojirisabel, richin ri ruk'axaxic ch'abel, y ch'aka' chic.
- 8 Nikanimaj chi ri Biblia, jari' ri ruch'abel ri Dios c'a acuchi utz ruk'axaxic banon chire. Y nikanimaj chi ri Vuj richin ri Mormon can ruch'abel vi ri Dios chuka'.
- 9 Nikanimaj ronojel ri ruk'alajirisan pe ri Dios, ronojel ri najin chuk'alajirisanic, y nikanimaj chi Rija' c'a xqueruk'alajirisan na pe ch'aka' chic janila nima'k y c'atzinel tak rutzijol richin ri rajavaren Rija'.
- 10 Nikanimaj ri molotajic richin ri rujayul ri Israel y chi yebeyacatej pe chic ri Lajuj Rija'tzul; y chi ri Sión, ja ri C'ac'a' Jerusalem, xtibepabex chuech re ruvach'ulef América; y chi can ja vi c'a ri Cristo xtibanon ka ri k'atbel tzij y chi re ruvach'ulef can xtiberuc'ulu' chic ri rubaniquil y ri ruc'ojlen richin jun lok'olej c'ojlibel richin quicoten.
- 11 Roj nikach'ojij ri k'ij richin nikaya' ruk'ij ri Dios Ronojel Tiquirel achi'el ri runojibal ri kánima y nikaya' c'a chique conojel ri vinaki' junan quik'ij, tiquiya' c'a ruk'ij achi'el, xabacuchi, y xabachique nicajo'.
- 12 Nikanimaj chi ruc'amon nikanimaj tzij quichin conojel ruvech k'atoy tak tzij, y chi ruc'amon nikaben ronojel ri nubij ri k'atbel tzij.
- 13 Nikanimaj chi c'atzinel yojoc choj, kitzij, ch'ajch'oj, utz kánima, y chi nikaben ri utz chique conojel ri vinaki'. Can kitzij, yojtiquir nikabij chi nikatzekebej ri rupixabanic ri Pablo. Ronojel nikanimaj, ronojel nikoyobej. Can janila yan pokon katijon y nikatij kak'ij richin nikac'ovisaj ch'aka' chic pokonal. Vi c'o ta juba' ri utzilej banobel, ri jebel, ri jebel nac'axex, o ri ruc'amon niyatej ruk'ij chire, ronojel c'are', nikacanoj.

Joseph Smith

